

Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 7. Laudis amore, & metu dedecoris, multa mala vitari, & bona fieri.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

essedixerit, quām misera & ærumnosa sit imperantium conditio, qui à tyrannidē falsa suspicione tum demum liberantur,

Niceph.
Callist.
lib. 12.
Eccl. hist.
cap. 38.

cūm diem iam extremum claudunt. Iouanus certè in Romanorum Imperatorem electus, cūm argueretur, quòd eam dignitatem reiecisset, atque insignia Imperatoria recipere planè recusaret, respondisse fertur: *Se virum Christianum nequaquam ijs imperare posse, qui Gracissarent, superstitionesq; sectari didicissent.* Tanta vbiique est hominum improborum multitudo, vt si eam imperatori considerarent, aut perspectam haberent, prorsus cum Iouiano sensuri videantur. Sensit cum illo Otho Imperator Romanorum, qui sæpenumero dicere solebat

Bruso. lib. ad suos: *Nescitis, amici, quid sit Romanorum 3. cap. 13. gubernare Imperium: mihi credite iam experito, qui iam mori malo, quām imperare.*

§. VII.

Landis amore, & metu dedecoris, multa mala vitari, & bona fieri.

4. Multi honoris amantes, peccata vitant, ne dedecus & infamiam incurvant. Hac enim de caussa dicitur: *Curam habe de bono nomine.* Ut enim virtuti laus debetur, ita vitijs ignominia est annexa. Quām multi iactan-

Ecli. 4.
15.

ti iactantiā abstinent, ne dicantur Thraso-
nes, aut Ardeliones esse videantur? Quām
multi deposita reddunt, ne infideles esse pu-
tentur; & quamuis audi, manus abstinent,
à pecunijs alienis, ne pro Autolycis habe-
antur? quia *melius est nomen bonum, quam
dinitia multa.* Alij, tametsi sicci, vino sibi
interdicunt, ne laudem amittant tempe-
rantis. Quidam casti manent, ne prole se-
cuta, eorum libido prodatur. Nec coram
viris honoratis impatienter erumpunt alij,
licet graui iniuria affecti; qui, si arbitri de-
essent, ita insanirent, vt viderentur de po-
testate mentis exisse. Nullum denique vi-
tium est, quod ab honoris appetitu non re-
frænetur, aut ab ignominiae metu non co-
hibetur. Cūm aliquando disfluxisset exer-
citus, & non remansissent, nisi octingenti
viri, Iudas dixit his, qui residui erant: *Sur- 1. Mach.
gamus, & eamus ad aduersarios nostros, si pote- 9. 8.*
*rimus pugnare aduersus eos. Et auertebant eum
dicentes: Non poterimus, sed liberemus ani-
mas nostras modo, & reuertamur ad fratres
nostros, & tunc pugnabimus aduersus eos: nos
autem paucissimi. Et ait Iudas: Absit istam
rem facere, ut fugiamus ab eis: & si appropia-
uit tempus nostrum, moriamur in virtute pro-*

Proū. 22.

1.

pter fratres nostros, & non inferamus crimen
gloria nostræ. Verè generosi ducis idea erat
Iudas. Alij ignavi, & ad telas potius quam
tela nati, nihil pensi habent, quidquid fa-
ma ferat; dicantur timidi; vocentur puella;
& Phrygiæ, non Phryges; nominentur le-
pores, Endymiones; Sardanapali; strenui
ad pocula; inuiti ad proelia; nihil illos tan-
git; haud enim magni faciunt honorem, qu-
res suas sibi habere iusserunt virtutem, num-
quam facile ad bonum nomen reddituri. Vi-
enim ignis accensus sine labore seruatur, ex-
tingitus autem difficulter iterum accenditur;
ita famam tueri facile est, extinctam haud

S. August. facile recuperare. Quare paucorum virtu-
tib. 5. de
ciuit. c. 32. ad gloriam, honorem, imperium, vera via, il-
est virtute ipsa nitentium etiam à Catone lau-
data est. Idq; talibus potissimum concessit homi-
nibus ad domanda grania mala multarum gen-
tium, qui causa honoris, laudis, & gloria con-
sulerent patria, in qua ipsam gloriam require-
bant, salutemq; eius salutis sua præponere non du-
bitarent, pro isto uno vitio, id est, amore laudis
pecunia cupiditatem, & multa alia vitia com-
primentes, ait S. Augustinus.

§. VIII.

Honoribus labores velut melle condiri.

5. La-